

## BH Telecom u humanitarnoj akciji

Udruženje osoba oboljelih od celijakalije, gluteinske enteropatije Tuzlanskog kantona je u 21.11.2009. godine u povodu Međunarodnog dana prava djeteta podijelilo je dijetetske pakete namirnica bez glutena.

U periodu 1995. – 2007. godine ova bolest je na području TK dijagnosticirana kod 68 oboljelih. Zabrinjavajuća činjenica je da udruženje oboljelih od celijakalije danas okuplja 74 člana od čega je čak 22 djece, a broj novoregistriranih je u porastu. Nerijetka je pojava učestalosti oboljelih među bliskim srodnicima. Najmlađa članica H.E. iz Tuzle ima tek dvije godine i 4 mjeseca, a poremećaj je uočen prije 4 mjeseca.

Toksičan efekt glutena (nalazi se u pšeničnom, raženom i ovsenom zrnu), može dovesti do teških komplikacija, i ako se blagovremeno ne prepozna može doći i do fatalnog ishoda, posebno kada je riječ o starijem dojenačkom dobu djeteta i male djece zbog anoreksije i dehidracije.

Na bosanskohercegovačkom tržištu je hrana bez glutena uglavnom iz uvoza i skupa i jedan kilogram brašna je oko 11KM, dok se za ½ kg tjestenine plaća 13 KM, stoga je i ova jednokratna pomoć oboljelim od celijakalije koju je za nabavku osnovnih proizvoda udruženju darivao BH Telecom značajna.

„Celijakalija, ako se na vrijeme dijagnosticira, i ako se provodi bezglutenska ishrana je stanje a ne bolest“, istakla je doktorica Lejla Osmančević specijalista pedijatrijske gastroenterologije, stručna savjetnica u udruženju, naglasivši pri tome da je i značaj postojanja udruženja upravo u tome da širu javnosti upozna sa celijakalijom.

